



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

8 հունվարի 2026 թվականի N 17-Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ
2003 ԹՎԱԿԱՆԻ ՀՈՒՆՎԱՐԻ 30-Ի N 121-Ն ՈՐՈՇՄԱՆ ՄԵՋ
ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ
Մ Ա Ս Ի Ն

Հիմք ընդունելով «Նորմատիվ իրավական ակտերի մասին» օրենքի 33-րդ և 34-րդ հոդվածները՝ Հայաստանի Հանրապետության կառավարությունը որոշում է.

1. Հայաստանի Հանրապետության կառավարության 2003 թվականի հունվարի 30-ի «Հայաստանի Հանրապետությունում վտանգավոր թափոնների գործածության գործունեության լիցենզավորման կարգը հաստատելու մասին» N 121-Ն որոշման հավելվածում կատարել հետևյալ փոփոխությունները և լրացումները՝

1) 5-րդ կետը «սահմանված» բառից հետո լրացնել «լիցենզիան և» բառերով, իսկ «կամ լիցենզիայի կամ դրա ներդիրի կրկնօրինակը» բառերը հանել.

2) 5-րդ կետի 1-ին, 2-րդ և 3-րդ ենթակետերում «կամ դրա կրկնօրինակը» բառերը փոխարինել «և լիցենզիայի ներդիրը» բառերով.

3) 5-րդ կետի 3-րդ ենթակետի «պատշաճ ձևով հանձնում կամ ուղարկում է լիցենզիան, լիցենզիայի կրկնօրինակը» բառերը փոխարինել «է տրամադրում լիցենզիան ու լիցենզիայի համապատասխան ներդիրը» բառերով.

4) լրացնել հետևյալ բովանդակությամբ 7.1-ին կետով՝

«7.1. Լիցենզավորող հանձնաժողովի նիստերը կարող են անցկացվել նաև հեռավար եղանակով:».

5) 9-րդ կետի «կարող են ներկայացնել առձեռն կամ փոստով կամ» բառերը փոխարինել «են ներկայացնում, իսկ լիազոր մարմինը լիցենզիա և լիցենզիայի ներդիր է տրամադրում» բառերով, «(Էլեկտրոնային հասցե՝ www.e-gov.am/licenses)» բառերը՝ «Շրջակա միջավայրի կառավարման ոլորտի թվային ծառայությունների հարթակ» Էլեկտրոնային համակարգի (այսուհետ՝ Էլեկտրոնային հարթակ) միջոցով» բառերով, իսկ «Հայաստանի Հանրապետության կառավարության 2010 թվականի սեպտեմբերի 24-ի N 1283-Ն» բառերը՝ «սույն» բառով.

6) 12-րդ կետը «նպատակով» բառից հետո լրացնել «Էլեկտրոնային հարթակի միջոցով կազմում և» բառերով, նույն կետի «NN 5 և 6 ձևերի» բառերը փոխարինել «13-րդ կետի բովանդակությանը համապատասխանող» բառերով, իսկ «(այսուհետ՝ հայտ)» բառերը հանել.

7) 13-րդ կետի 1-ին և 2-րդ ենթակետերը «ինչպես» բառից առաջ լրացնել «գործածվող թափոնների տեսակը,» բառերով.

8) 14-րդ կետում՝

ա. «ներկայացվում են» բառերից հետո լրացնել «հետևյալ տեղեկությունները և փաստաթղթերի տեսաներածված պատճենները՝ DOC, DOCX, PDF, JPEG, XLS կամ XLSX ֆորմատների նիշքերի տեսքով» բառերով,

բ. 1-ին և 3-10-րդ ենթակետերում «փորձաքննական դրական եզրակացությունը» բառերը փոխարինել «պետական փորձաքննական դրական եզրակացության համարը և տրամադրման տարեթիվը» բառերով,

գ. 11-րդ ենթակետից հետո լրացնել հետևյալ բովանդակությամբ 12-րդ ենթակետով՝

«12) լիազորագիր՝ հայտը ներկայացնելու համար այլ անձի լիազորելու դեպքում:».

9) 16-րդ կետից հանել «լիցենզավորող հանձնաժողովի միջոցով» բառերը.

10) 17-րդ կետը «ընթացքում» բառից հետո լրացնել «՝ Էլեկտրոնային հարթակի միջոցով» բառերով.

11) 19-րդ կետը շարադրել հետևյալ խմբագրությամբ՝

«19. Հայտատուն լիցենզավորման գործընթացի և դրա արդյունքում լիազոր մարմնի ընդունած որոշումների վերաբերյալ տեղեկացվում է էլեկտրոնային հարթակի միջոցով:».

12) 26-րդ կետը «լիցենզիայով» բառից հետո լրացնել «և լիցենզիայի ներդիր- ներով» բառերով, իսկ «կարող են ներկայացնել էլեկտրոնային համակարգով հետևյալ հասցեով՝ www.e-gov.am/licenses/reports» բառերը փոխարինել «լիցենզավորող մարմին ներկայացնում են էլեկտրոնային հարթակի միջոցով» բառերով.

13) լրացնել հետևյալ բովանդակությամբ 26.1-ին կետով՝

«26.1. Հաշվետվությունները ներառում են առնվազն հետևյալ տեղեկատվու- թյունը՝

1) լիցենզավորված անձանց տվյալները՝ իրավաբանական անձի անվանումը կամ անհատ ձեռնարկատիրոջ անունը, ազգանունը, գտնվելու և գործունեության իրականացման վայրերը.

2) հաշվետու ժամանակահատվածում լիցենզիայի յուրաքանչյուր ներդիրով թույլատրված գործունեության տեսակին համապատասխան իրականացրած գործու- նեության նկարագիրը, գործածված թափոնների քանակը (տոննա, խորանարդ մետր).

3) հաշվետու ժամանակահատվածի համար լիցենզիայի յուրաքանչյուր ներդիրի համար օրենքով սահմանված կարգով վճարված պետական տուրքի չափը և վճարման օրը:».

14) 27-րդ կետը «լիցենզավորող» բառից առաջ լրացնել «էլեկտրոնային հարթակի միջոցով կազմում և» բառերով, «փաստաթղթերը» բառից հետո՝ «նախատեսվող» բառով, իսկ նույն կետի «համաձայն NN 7 և 8 ձևերի» բառերը փոխարինել «սույն կարգի 13-րդ կետի բովանդակությանը համապատասխան» բառերով.

15) 28-րդ կետում «սույն կարգի 18-րդ և 19-րդ կետերով նախատեսված կարգով» բառերը փոխարինել «լիցենզիայի և լիցենզիայի ներդիրի տրամադրման համար սույն կարգով սահմանված ընթացակարգով» բառերով.

16) NN 1, 2, 3 և 4 ձևերից հանել «Կ. Տ.» բառերը, իսկ NN 5, 6, 7 և 8 ձևերն ուժը կորցրած ճանաչել:

2. Սույն որոշումն ուժի մեջ է մտնում պաշտոնական հրապարակման օրվանից վեց ամիս հետո:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏ

Ն. ՓԱՇԻՆՅԱՆ

Երևան